



ხაშურის მუნიციპალიტეტის საკრებულო

განკარგულება № 105

2011 წლის 16 აგვისტო
ქალაქი ხაშური



„ხაშურის მუნიციპალიტეტში ადგილობრივი მნიშვნელობის ბიბლიოთეკის განვითარების ხელშეწყობის პროგრამის დამტკიცების შესახებ“ ხაშურის მუნიციპალიტეტის საკრებულოს 2010 წლის 26 ნოემბრის №153 განკარგულებაში ცვლილების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლის შესაბამისად:

1. განხორციელდეს ცვლილება ხაშურის მუნიციპალიტეტის საკრებულოს 2010 წლის 26 ნოემბრის №153 განკარგულებაში ხაშურის მუნიციპალიტეტში ადგილობრივი მნიშვნელობის ბიბლიოთეკის განვითარების ხელშეწყობის 2011 წლის პროგრამაში. კერძოდ, პროექტის მიღების მიზეზს წარმოადგენს ხაშურის ბიბლიოთეკაში მომხდარი რეორგანიზაცია ხაშურის მუნიციპალიტეტის საკრებულოს 2011 წლის 22 ივლისის №93 განკარგულების შესაბამისად და საერთო ბიუჯეტი ნაცვლად 124700 (ასოცდაოთხიათასშვიდასი) ლარისა განისაზღვროს 101300 (ასერთიათასსამასი) ლარით.
2. განკარგულება გაეგზავნოს ხაშურის მუნიციპალიტეტის გამგეობას;
3. განკარგულება ძალაში შედის კანონით დადგენილი წესით;
4. განკარგულება შეიძლება გასაჩივრდეს დაინტერესებული პირის მიერ ხაშურის მუნიციპალიტეტის საკრებულოში ან რაიონულ სასამართლოში ერთი თვის განმავლობაში (მის. ქ. ხაშური კოსტავას ქ. №13).

მუნიციპალიტეტის საკრებულოს
თავმჯდომარის მოადგილე



როსტომ გრიგალაშვილი

**ადგილობრივი მნიშვნელობის ბიბლიოთეკების განვითარების
ხელშეწყობის პროგრამა**

პროგრამის მოქმედების სფერო მოიცავს: ქ. ხაშურში განთავსებულ ხაშურის მუნიციპალიტეტის ბიბლიოთეკას, აგრეთვე დაბა სურამში არსებულ ბიბლიოთეკას

პროგრამის მიზანი

ადგილობრივი მნიშვნელობის ბიბლიოთეკების საქმიანობის ხელშეწყობა.

პროგრამის ძირითადი მიმართულებები

● მუნიციპალიტეტსა და მის საზღვრებს გარეთ მცხოვრები მკითხველების სწრაფი და სრული დაკმაყოფილება მათთვის საჭირო ინფორმაციითა და საბიბლიოთეკო დოკუმენტებით (ბეჭდური, ხელნაწერი და ინფორმაციის შემცველი სხვა მასალები);

● შესაბამისი პროფილის საბიბლიოთეკო დოკუმენტების შეგროვება, დაცვა და ამ დოკუმენტებით მომსახურება, როგორც ადგილზე გაცემით, ასე ასლების გაგზავნით ბიბლიოთეკათშორისი აბონემენტით და საერთაშორისო წიგნთგაცემის საშუალებით;

● ბიბლიოთეკათმცოდნეობის, ბიბლიოგრაფიის, წიგნმცოდნეობისა და ინფორმაციის დარგში მეცნიერული და მეთოდური მოღვაწეობისათვის ხელშეწყობა;

● საბიბლიოთეკო საქმის ინფორმაციული ხელშეწყობა;

● ბიბლიოთეკის კულტურულ ფასეულობათა შენარჩუნების, გამდიდრების, რეგისტრაციისა და მათი საგანგებო რეჟიმით დაცვის ხელშეწყობა;

● ბიბლიოთეკის მატერიალურ-ტექნიკური ბაზის განმტკიცება და ამ მიმართულებით წარმოდგენილი სპეციალური პროგრამების მხარდაჭერა;

● არსებული წიგნადი ფონდის გადარჩევა და მომზადება ელექტრონული საინფორმაციო ბაზისათვის;

● ელექტრონული მედიათეკის შექმნა;

● წიგნადი ფონდის შევსება თანამედროვე ლიტერატურით;

პროგრამის ბიუჯეტი

განისაზღვროს ადგილობრივი მნიშვნელობის ბიბლიოთეკების განვითარების ხელშეწყობის პროგრამის ასიგნებები 101300 ლარის ოდენობით:

ხარჯების ეკონომიკური კლასიფიკაცია	ხარჯების ეკონომიკური კლასიფიკაციის მუხლები	სულ სუბსიდიის ოდენობა
21	შრომის ანაზღაურება	81500
22	საქონელი და მომსახურება	19800
	სულ	101300

პროგრამის ხანგრძლივობა:

პროგრამის მოქმედების ხანგრძლივობაა 2011 წლის 1 იანვრიდან 2011 წლის 31 დეკემბრის ჩათვლით.

პროგრამის მოსალოდნელი შედეგი:

- ბიბლიოთეკით მოსარგებლეთა რიცხვის ზრდა.
- ბიბლიოთეკით მომსახურების გაუმჯობესება.
- სერვისით მომსახურების გაუმჯობესება.